

Henny Eman:

GRACIAS NA MEP CU E LUCHA A KEDA NA BIDA



ORANJESTAD (AAN)—Un di e discursonan cu den Parlamento a ricibi aplauso di publico di tur partido cu tabata siguiendo e reunion, y tambe cu a ser acepta bon pa e politiconan den sala y cu hasta aplauso di un di e diputadonan. El a cuminsa na duna splicacion ariba tempo cu su abuelo a funda AVP y a bringa añanan largo pa libertad di pueblo Arubano, y cu e emblema di AVP cu ta e anker di speranza di marineronan, tin den dje e cabuya cu ta forma un S. manerata conoci ta e simbolo di separacion di e tempo ey. Pueblo di Aruba kier a separa for di e dominio di e isla mas grandi.

El a duna relato tambe di e historia di AVP cu su ups and downs, cu a conoce tempnan glorioso y grandi cu resultadonan importantisimo pa pueblo, pero cu AVP a conoce tambe derota den eleccionnan.

Segun Sr. Eman tabata justamente e sentimentonan comun pa libertad cu a percura cada vez pa e partido lanta cabez atrobe y cada vez ariba e momentonan di mas necesario pa pueblo di Aruba.

El a repasa añanan 1930 pa 1933 splicando cu esakinan tabata e base pa cuminsa trece cambianan den e estructura estatal di Aruba y cu a dura lo menos aña 1946 cu e dnan Arubano a trata cambianan estatal pa asenacion.

El a menciona cu e Staten di Aruba a duna un papel importante den e proceso di independencia, pero cu e tempo ey e papel di e Staten a bira mas y mas insignificante.

El a tuma nota cu e descentralizacion na gran escala pa Aruba por ta bira un suceso cu nos no por a convence e politiconan, muy en particular di Corsow, cu Aruba merece mas libertad pa loke ta

trata su propio asuntonan", el a trece dilanti.

Aruba tabata desea di maneja su propio asuntonan financiero y tabata desea di tin un representacion igual den gobernacion central pa garantiza e interesnan di Aruba y tabata sali for di e punto di bista cu asuntonan interno di Aruba mester tabata den man di gobernacion Arubano. Den Staten lamentablemente e tempo ey no a yega asina leeuw di pasa e cambionan di ley ariba tereno di descentralizacion y tabata e tempo ey cu fundador di AVP a cuminsa cu accionnan y demostracionnan pa mustra Reino Hulandes cu e deseo di e pueblo Arubano ta un deseo cu tin e sosten di henter e pueblo.

Demostracionnan grandi tabata tin na aña 1947 y e siguiente añanan aki na Aruba y despues un delegacion Arubano a bay conferencia di mesa rondo na Hulanda.

Awe por a tende cu tabata existi e deseo pa tin entre nos durante e reunion aki e difuntonan Henny Eman y Juan Enrique Irausquin, el a laga sa.

"Nan enverdad ta e funda-

dornan di e lucha Arubano pero na e mesun momento mester menciona aki e persona cu a continua e lucha aki, difunto Cornelis Albert Eman, Shon A Eman cu na 1948 a pone e fundeshi juridico pa Aruba por a sigui cu e lucha pa libertad. Un mocion a wordo entrega door di difunto Shon A Eman dia 18 di maart 1948. Esaki tabata e base legal pa nos despues por a continua cu e lucha pa libertad di nos pueblo. For di e resolucion y e mocionnan entregana e conferencia di mesa rondo dia 18 di maart 1948 a sali e Plan van Poelje cu lo pone Aruba den un constelacion federal pero cu un representacion gual pa e diferente islanan", Sr. Eman a splica.

El a indica cu aki mester bisa cu en verdad tabata tin e confianza cu palabranan lo wordo cumpli cu nan, loke no a sosode manera e pueblo di Aruba a desea e tempo ey. Pero ningun momento esaki a sosode pacificamente sin cu e pueblo a protesta. E añanan di Interimregeling a bini manera e hulandesnan a impone ariba nos y tabata tin lawinan di protesta di tur politico

Arubano di e tempo ey.

Telegramnan, yamadanan y hasta delegacionnan a wordo manda Venezuela pa protesta contra e actitud di Hulanda pa loke ta trata Aruba.

Verdad ta cu despues di esey otro partido a gana eleccion, y en vez di cumpli cu nan propio ponencianan pa trece cambianan drastico ariba tereno estatal por a mira cu e concentracion durante casi 15 aña a bay ariba desarrollo economico y no ariba tereno estatal, el a laga sa.

Ta te na 1967 partido AVP-Una/PIA/PRO a tuma over gobernacion Arubano y a nombra un comision pa bay traha ariba tereno estatal atrobe y wak con mas lihe cu ta posibel por a trece e cambionan cu e pueblo a keda desea. Por a mira den e mesun tempo cu e partido cu tabata den gobierno central a centraliza cierto leyman cu ya caba tabata toca gobierno insular, en vez di descentraliza.

"Nos ta di opinion cu ora partido AVP a haya e oportunidad den gobernacion atrobe, inmediatamente el a demostra cu e problematica di estructura estatal a keda biba, maske pa hopi aña largo, no tabata tin

e oportunidad pa logra den gobernacion e cambianan cu AVP tabata desea.

Na 1970-71 e lucha di Aruba a haya un extra empuhe dia cu e parlamentarionan Hulandes a bin Antillas y a bin anuncia na e pueblonan di e islanan di Antillas Hulandes cu deseo hulandes ta cu, mescos cu e ta desea pa Suriname bira independiente mas lihe posibel, pa tambe Antillas Hulandes bira independiente.

E tempo ey partido MEP ya caba a lanta y aunque den su Statutonnan na cuminsamento tabata tin para cu e ta desea un federacion, pronto den seno di partido MEP a cambia e idea ey y a cuminsa papia di Status Aparte pa Aruba. E tempo ey, un Status Aparte sin pone un fecha, un indicacion pa independencia. E opinion cu tabata esun di AVP a wordo tuma over por completo for di MEP, sr. Henny Eman a trece dilanti.

"Sin duda algun nos ta duna elogio na esnan cu merec'e. Ta gracias na e partido MEP cu e lucha a keda na vida. E partido MEP dia cu AVP tabata den un di su downs a mantene e punto di bista cu

Siqui lesa pag. 5

GRACIAS NA MEP Cont. di pag. 4

tabata esun di AVP—nan tur tabata forma parti di AVP—y a sigui cu e lucha di Status Aparte di Aruba. Tabata parce e tempo ey cu partido AVP a sirbi su meta. AVP ta un partido cu a lanta pa realisa e libertad di nos pueblo, y a mira con MEP a tuma e lucha over. Hopi hende na Aruba a kere cu verdad AVP lo muri un morto natural y MEP lo continua cu e lucha ey.

Pero pronto tabata notabla na Aruba cu no tabata tin sentimentonan profundo cu ta pone un linea recto. Tabata tin variacionnan cu tabata pone e deseo di Aruba na peliger. Pronto, ora cu a dreña den gobierno central na 73 no tabata Status Aparte di Aruba cu a wordo combini den programa di gobernacion. Al contrario, na 1975 e gobernacion central di cual mayoria di Aruba tabata forma parti di dje, a manda un carta pa gobierno hulandes pidiendo pa tempo pa Antillas por prepara su independencia. Pa nan haci

antillas independiente manera tabata nan plan cu Suriname y cu a sosode cu Suriname.

Pero ningun momento un carta caminda e proposicion ta bay Hulanda pa Status Aparte wordo realiza, si no e independencia total di Antillas Hulandes. Ora cu e gobierno aki na 75 a cay, e partido di Aruba cu tabata forma parti di e gobierno ey a manda un delegacion entre otro pa Hulanda, "Sr. Eman a laga sa.

El a mustra con confianza den Status Aparte a ser perdi door di e gobernantenan y cu ta e viaje di e delegacion pa Hulanda a pone cu el a dicide di regresa Aruba y haci tur lo posibel pa stimula esnan cu na Aruba a perde confianza den Status Aparte. Na 1977 un grupo chiquito a dicide di lanta AVP back cu e meta: Status Aparte pa Aruba. Na 1979 a lanza e idea di frente nacional Arubano pa por a haya tur hende tras di e lucha pa Status Aparte y tabata na 1979 cu den comision di independencia ayega na formula rapport comun, den cual rapport tur partido politico tabata para tras di e Status Aparte pa Aruba.

